



Sesida dals

Communitgà ils

Protocol nr.

16 d'october 2023

17 d'october 2023

815/2023

Dumonda da la fracziun da la PPS

concernent la mancanza da personas spezialisadas tar la polizia
(emprim sutsegnader Krättli)

Resposta da la Regenza

Tar la dumonda 1: Cun il conclus dals 4 d'avrigl 2023 (prot.nr. 256/2023) ha la Regenza stgaffi las premissas legalas, per che er polizistas e polizists cun ina permissiun da domicil possian vegnir recrutads. En in project da pilot duai vegnir sclerì, sch'i exista tar las personas domiciliadas en l'Engiadina in interess per la professiun da polizista u polizist, quant grond che quest interess è, e co che l'integraziun en il corp da polizia reussescha. Prospectivamain ha la Polizia chantunala sviluppà la «Strategia Kapo 2025+» e fixà en quest connex tschintg iniziativas strategicas. Duas da questas iniziativas, numnadamain l'attractivitat dal patrun e la direcziun e cultura d'interpresa, èn mussavias per las incumbensas ed ils projects ch'èn gia vegnids sviluppads – u ch'èn anc da sviluppar en l'avegnir – per tegnair e per recrutar collavuraturas e collavuratur. Tras mesiras organisatoricas, structuralas e persunalas ch'èn vegnidas realisadas intenziunadamain sur blers onns è la Polizia chantunala pertutgada fin ussa mo pauc da la mancanza da personas spezialisadas, quai cun excepziun da paucas mancanzas da persunal en la regiun Engiadina – e là oravant tut en l'Engiadin'Ota. En spezial pervia dals auts fits d'abitaziuns han ins stgaffi en la regiun Engiadina ulteriurs stimuls finansials cun supplements, per uschia motivar las collavuraturas ed ils collavuratur da restar ils emprims 5 onns da servetsch en la vallada alpina. Per porscher a las personas spezialisadas differents models da lavur, sa concentrescha la Polizia chantunala sin la flexibilitad da las plazzas da lavur. Sche pussaivel vegn adina permessa la lavur remote, lavur parziala e job-sharing. Ils accents per tegnair e per recrutar collavuraturas e collavuratur vegnan plinavant mess cun il project «Marketing e recrutaziun da persunal». Plinavant vegn elavurà in nov concept per il svilup dal persunal che garantisce a las collavuraturas ed als collavuratur perspectives entaifer l'agen corp da polizia, inclusivamain las pussaivladads necessarias da scolaziun da cader e da scolaziun spezialisada. Latiers tutga er la cuntinuaziun da l'engaschament da polizistas e polizists che han problems da sanadad cun incumbensas pli simplas, sco per exempel incumbensas da la polizia communal.

Tar la dumonda 2: La Polizia chantunala examinescha cuntinuadamain sias incumbensas e sias prestaziuns. In process d'optimaziun cuntinuant demussan l'externalisaziun dals accompagnaments da transports cun camiuns gronds ad interpresas privatas l'onn 2018, l'aboliziun da l'unitad speziala Sfunsaders l'onn 2018 e la nova regulaziun en il concept da salvament, l'acquisiziun da las unifurmas da polizia per

tut ils corps incl. la reorganisaziun da l'acquisiziun e la magasinaziun l'onn 2020 sco er la separaziun da las incumbensas en il traffic da guntgida tranter l'Uffizi da construcziun bassa, las vischnancas e la Polizia chantunala l'onn 2022. Ils cunfins da talas externalisaziuns dad incumbensas ad interpresas privatas èn il monopol da pussanza dal stadi ed en general la legislaziun.

Tar la dumonda 3: En il rapport «Polizia dal Grischun 2015plus» che la Regenza ha approvà ils 22 da settember 2015, èn las furmas da liquidar las incumbensas vegnidas analisadas e preschentadas detagliadamain en il chapitel II, p. 24 ss. La repartiziun da las incumbensas tranter il chantun e las vischnancas en il sector polizial e las conclusiuns che la Regenza aveva tratg quella giada concernent il rapport menziunà, èn anc adina valaivlas (al lieu inditgà, p. 56), numnadamain: Las structures existentas en il chantun Grischun èn sa cumprovadas, il tema polizia unitara na vegn betg persequità vinavant. Per consequenza duess la collavuraziun tranter las vischnancas e la Polizia chantunala vegnir concepida vinavant cun agid da cunvegns contractualas che tegnan quint da la situaziun respectiva. Las vischnancas han qua tras la pussaivladad da surdar lur incumbensas polizialas sin basa voluntara a la Polizia chantunala. Quai vegn er fatg uschia en la pratica. Las vischnancas dumondan mintgamai la Polizia chantunala per ina soluziun contractuala, betg il cuntrari.

Tar la dumonda 4: En cas da differentas cuntravenziuns cunter l'urden giuridic prentenda e conceda la legislaziun la pussaivladad d'incassar multas en la procedura da multas disciplinaras. Gia mo pervia da quai n'èsi betg pussaivel d'abolir questa posiziun da bilantscha. Bleras multas disciplinaras pronunziadas en il sector da traffic, sco charrar senza tschinta, charrar senza glisch, charrar memia svelt, surpassar en moda privlusa, servan a la segirezza dal traffic e ston vegnir pronunziadas pervia da l'inobservanza da disposiziuns legalas. Controllas da radar vegnan exequidas cun pauc persunal ch'è però spezialisà. Ellas servan unicamain a la segirezza dal traffic. Pli paucas controllas da radar chaschunan damain segirezza dal traffic ed uschia dapli accidents cun donn da persunas e/u donn material. Mintga accident evità spargna suffrientschas e schanegia bler pli fitg las resursas da persunal ed è uschia ina fitg buna mesira da prevenziun da la polizia da traffic.

Entradas														
Onn	Schaner	Favrer	Mars	Avrigl	Matg	Zercladur	Fanadur	Avust	Settember	October	November	December	Total	Preventiv
2023	1'668'510	1'359'230	859'410	980'550	739'860	1'135'700	1'733'430	1'432'100	1'255'970				11'164'760	12'500'000
2022	1'337'290	1'957'490	1'747'810	1'030'670	582'080	807'940	1'424'670	2'013'880	943'790	839'370	588'690	1'133'290	14'406'970	13'500'000
2021	942'370	1'024'390	1'075'850	945'670	743'370	852'830	1'071'690	1'140'420	763'060	964'170	970'060	1'293'670	11'787'550	13'500'000
2020	1'409'740	818'610	823'080	347'530	547'850	600'640	1'255'410	1'371'810	1'233'370	1'331'940	1'404'730	1'053'340	12'198'050	13'500'000
2019	1'271'810	1'373'280	989'480	893'240	656'810	619'440	1'677'340	1'659'210	819'720	494'520	458'140	750'430	11'663'420	13'500'000
2018	1'313'610	734'170	565'530	888'290	616'340	918'050	2'256'530	1'696'650	649'570	844'640	626'660	517'800	11'627'840	13'500'000
2017	841'840	942'410	1'645'240	2'016'240	1'139'100	1'143'330	954'700	1'257'630	681'060	832'340	1'125'500	842'240	13'421'630	13'500'000



En num da la Regenza

Il president:

Peter Peyer

Il chancelier:

Daniel Spadin